

कूपा रो नीर किन विद सूखे जी,

दोहा संत बडे परमार्थी,  
और शीतल ज्यारा अंग,  
तपत बूजावे ओरो की,  
वे देदे अपना रंग ।

कूपा रो नीर किन विद सूखे जी,

कुपा रो नीर किन विद सूखे,  
सीर सायरीया सु आवे ओ,  
गुरासा बिन,  
कुन माने प्रेम जल पावे हे जी ॥

कर्मा री झांज दो परकारा ओ,

शुभ अशुभ कहावे ओ जी,  
अशुभ कर्म ने मार हटावे ओ,  
राम नाम चित लावे ओ,  
गुरासा बिन,  
कुन माने प्रेम जल पावे हे जी ॥

सतगुरु मारा चंदन स्वरूपी ओ,

भवरवासना लावे ओ जी,  
लिपटीयोडा भुजंगी मगन होई जावे ओ,  
अरे कदे छोड नहीं जावे ओ,  
गुरासा बिन,

कुन माने प्रेम जल पावे हे जी ॥

सतगुरु मारा भंवर स्वरूपी ओ,  
ईत पकडने लावे ओ जी,  
कर गुंजारी शब्द सुनावे ओ,  
अरे होई भवर उड जावे ओ,  
गुरासा बिन,  
कुन माने प्रेम जल पावे हे जी ॥

दूध माई घिरत मेहन्दी मे लाली,  
ज्ञान गुरासा सु आवे ओ जी,  
कहत कबीर सुनो भई संतो ओ,  
भाग पुरबला खावे ओ,  
गुरासा बिन,  
कुन माने प्रेम जल पावे हे जी ॥

कुपा रो नीर किन विद सूखे जी,  
कुपा रो नीर किन विद सूखे,  
सीर सायरीया सु आवे ओ,  
गुरासा बिन,  
कुन माने प्रेम जल पावे हे जी ॥

गायक प्रकाश माली जी ।

प्रेषक मनीष सीरवी

9640557818



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>